

第二九〇册

明倫彙編

官常典

內府部

司城部

上林苑部

將帥部

(卷)

四十五—四十六

四十七

四十八

四十九—五十

古今圖書集成

中華書局影印

古今圖書集成

卷一百一十五

目錄

古今圖書集成

卷一百一十五

欽定古今圖書集成明倫彙編官常典
第四百二十五卷目錄

內府部彙考一

周 總一則

漢 總一則

後漢 總一則

晉 總一則

宋 總一則

南齊 總一則

梁 總一則

陳 總一則

北魏 孝文帝太和二則

北齊 總一則

北周 總一則

隋 總一則 煬帝大業一則

唐 總一則

遼 總一則

官常典第四百二十五卷

內府部彙考一

周

周制置太府玉府內府外府及司會司書職內職歲職幣之屬以掌貢賦貨賄財用玩好之政而皆隸於天官冢宰

按周禮天官冢宰治官之屬太府下大夫二人上士四人下士八人府四人史八人賈十有六人胥八人徒八十人太府掌九貢九賦九功之貳以受其貨賄

之入願其貨于受藏之府願其賄于受用之府凡官府都鄙之吏及執事者受財用焉凡願財以式遷授之關市之賦以待王之膳服邦中之賦以待賓客四郊之賦以待稍秣家削之賦以待匪頒邦甸之賦以待工事邦縣之賦以待幣帛邦都之賦以待祭祀山澤之賦以待喪紀幣餘之賦以待賜予凡邦國之貢以待弔用凡萬民之貢以充府庫凡式貢之餘財以共玩好之用凡邦之賦用取具焉歲終則以貨賄之入出會之

注 九功謂九職也受藏之府若內府也受用之府若職內也凡貨賄皆藏以給用耳良者以給王之用其餘以給國之用或言受藏或言受用又雜言貨賄皆互文待猶給也此九賦之財給九式者膳服即羞服也稍秣即芻秣也謂之稍稍用之物也喪紀即喪荒也賜予即好用也幣餘占賣國之斥幣此九貢之財所給也給弔用給凶禮之五事此九職之財充猶足謂先給九式及弔用足府庫而有餘財乃可以共玩好明玩好非治國之用言式言貢互文賦用用賦

玉府上士二人中士四人府二人史二人工八人賈八人胥四人徒四十有八人玉府掌王之金玉玩好兵器凡良貨賄之藏共王之服玉佩玉珠玉玉齊則共食玉大喪共含玉復衣裳角枕角柶掌王之燕衣服衽席牀第凡裘器若合諸侯則共珠槃玉敦凡王之獻金玉兵器文織良貨賄之物受而藏之凡王之好賜共其貨賄

注 良善也此物皆式貢之餘財所作其不良又有

受而藏之者

內府中士二人府一人史二人徒十人內府掌受九貢九賦九功之貨賄良兵器以待邦之大用凡四方之幣獻之金玉齒革兵器凡良貨賄入焉凡適四方使者共其所受之物而奉之凡王及冢宰之好賜予則共之

注 大用朝覲之頒賜

外府中士二人府一人史二人徒十人外府掌邦布之入出以共百物而待邦之用凡有灋者共王及后世子之衣服之用凡祭祀賓客喪紀會同軍旅共其財用之幣齋賜予之財用凡邦之小用皆受焉歲終則會唯王及后之服不會

注 布泉也布讀爲宣布之布其藏曰泉其行曰布取名於水泉其流行無不徧入出謂受之復出之共百物者或作之或買之有灋百官之公用也齋行道之財用也

司會中大夫二人下大夫四人上士八人中士十有六人府四人史八人胥五人徒五十人司會掌邦之六典八灋八則之貳以逆邦國都鄙官府之治以九貢之灋致邦國之財用以九賦之灋令田野之財用以九功之灋令民職之財用以九式之灋均節邦之財用掌國之官府郊野縣都之百物財用凡在書契版圖者之貳以逆羣吏之治而聽其會計以參互攷日成以月要攷月成以歲會攷歲成以周知四國之治以詔王及冢宰廢置

注 逆受而餉考之郊四郊去國百里野甸稍也甸去國二百里稍三百里縣四百里都五百里書謂

簿書契其最凡也版戶籍也圖土地形象田地廣狹參互謂司書之要貳與職內之入職歲之出周猶徧也言四國者本逆邦國之治亦鈎考以告

司書上士二人中士四人府二人史四人徒八人司書掌邦之六典八灋八則九職九正九事邦中之版土地之圖以周知入出百物以叙其財受其幣使入于職幣凡上之用財用必致于司會三歲則大計羣吏之治以知民之財器械之數以知田野夫家六畜之數以知山林川澤之數以逆羣吏之徵令凡稅斂掌事者受灋焉及事成則入要貳焉凡邦治攷焉

注九正謂九賦九貢正稅也九事謂九式變言之者重其職明本而掌之非徒相副貳也叙猶比次也謂鈎考其財幣所給及其餘見爲之簿書受謂受錄其餘幣而爲之簿書使之入于職幣幣物當以時用之久藏將朽蠹上謂王與冢宰王雖不會亦當知多少而闕之司會以九式均節邦之財用械猶兵也逆受而鈎考之山林川澤童枯則不稅灋猶數也應當稅者之數成猶畢也攷攷其法于司書

職內上士二人中士四人府二人史四人徒二十人職內掌邦之賦入辨其財用之物而執其總以貳官府都鄙之財入之數以逆邦國之賦用凡受財者受其貳令而書之及會以逆職歲與官府財用之出而叙其財以待邦之移用

注辨財用之物處之使種類相從總謂簿書之種別與大凡官府之有財入若關市之屬受財受於職內以給公用者貳令者謂若今御史所寫下本

奏王所可者書之若言某月某日某甲詔書出某物若干給某官某事

職歲上士四人中士八人府四人史八人徒二十人職歲掌邦之賦出以貳官府都鄙之財出賜之數以待會計而攷之凡官府都鄙羣吏之出財用受式灋于職歲凡上之賜予以叙與職幣授之及會以式灋贊逆會

注以貳者亦如職內書其貳令而編存之百官之公用式灋多少職歲掌出之舊用事存焉叙叙受賜者之尊卑贊逆會助司會鈎考羣吏之計

職幣上士二人中士四人府二人史四人賈四人胥二人徒二十人職幣掌式灋以斂官府都鄙與凡用邦財者之幣振掌事者之餘財皆辨其物而奠其錄以書揭之以詔上之小用賜予歲終則會其出凡邦之會事以式灋贊之

注幣謂給公用之餘凡用邦財者謂軍旅振猶拊也檢也掌事謂以王命有所作爲先言斂幣後言振財互之奠定也鄭司農云揭之若今時爲書以著其幣

漢

漢承秦制設少府掌山海池澤之稅以給共養尚書符節等十六官令丞胞人等三長丞上林等十池監中書謁者等八官令丞諸僕射署長黃門皆屬之按漢書百官公卿表少府秦官掌山海池澤之稅以給共養有六丞

注應劭曰名曰禁錢以給私養自別爲藏少者小也故稱少府師古曰大司農供軍國之用少府以

養天子也

屬官有尚書符節太醫太官湯官導官樂府若盧考工室左弋居室甘泉居室左右司空東織西織東園匠十六官令丞

注服虔曰若盧詔獄也鄧展曰舊洛陽兩獄一名若盧主受親戚婦女如淳曰若盧官名也藏兵器品令曰若盧郎中二十人主弩射漢儀注有若盧獄令主治庫兵將相大臣臣瓚曰冬官爲考工主作器械也師古曰太官主膳食湯官主餅餌導官主擇米若盧如說是也左弋地名東園匠主作陵內器物者也

又胞人都水均官三長丞

注師古曰胞人主掌宰割者也胞與庖同又上林中十池監

注師古曰三輔黃圖云上林中池上籊五所而此云十池監未詳其數

又中書謁者黃門鈎盾尚方御府永巷內者宦者八官令丞

注師古曰鈎盾主近苑園尚方主作禁器物御府主天子衣服也

諸僕射署長中黃門皆屬焉

注師古曰中黃門謂奄人居禁中在黃門之內給事者也

武帝太初元年更名考工室爲考工左弋爲伏飛居室爲保宮甘泉居室爲昆臺永巷爲掖廷伏飛掌弋射有九丞兩尉太官七丞昆臺五丞樂府三丞掖廷八丞宦者七丞鈎盾五丞兩尉成帝建始四年更名

中書謁者令爲中謁者令初置尚書員五人有四丞
河平元年省東織更名西織爲織室綬和二年哀帝
省樂府王莽改少府曰共工

後漢

後漢設少府卿掌中服御貨膳之屬統太醫守宮上
林內者尚方諸令丞

按後漢書百官志少府卿一人中二千石本注曰掌
中服御諸物衣服寶貨珍膳之屬丞一人比千石

漢官曰員吏三十四人其一人四科一人二百

石五人百石四人斗食三人佐六人騎吏十三人

學事一人官醫少者小也小故稱少府王者以租

稅爲公用山澤陂池之稅以供王之私用古皆作

小府漢官儀曰田租芻蕘以給經用凶年山澤魚

鹽市稅少府以給私用也

太醫令一人六百石本注曰掌諸醫

漢官曰員醫二百九十三人員吏十九人

藥丞方丞各一人本注曰藥丞主藥方丞主藥方

太官令一人六百石本注曰掌御飲食

漢官曰員吏六十九人衛士三十八人荀綽晉

百官表注曰漢制太官令秩千石丞四人秩四百

石不與志同

左丞甘丞湯官丞果丞各一人本注曰左丞主飲食

甘丞主膳具湯官丞主酒果丞主果

荀綽云甘丞掌諸甘肥果丞別在外諸菓菜茹

守宮令一人六百石本注曰主御紙筆墨及尚書財

用諸物及封泥丞一人

漢官曰員吏六十九人外官丞二百石公府吏

府也

上林苑令一人六百石本注曰主苑中禽獸頗有民
居皆主之捕得其獸送太官丞尉各一人

漢官曰員吏五十八人秦桓帝又置鴻德苑令

中藏府令一人六百石本注曰掌中幣帛金銀諸貨

物丞一人

漢官曰員吏十三人吏從官六人

內者令一人六百石本注曰掌中布張諸衣物左右

丞各一人

漢官曰從官祿士一人員吏十九人

尚方令一人六百石本注曰掌上工作御刀劍諸

好器物丞一人

漢官曰員吏十三人吏從官六人

右屬少府本注曰承秦凡山澤陂池之稅名曰禁錢

屬少府世祖改屬司農考工轉屬太僕都水屬郡國

孝武帝初置水衡都尉秩比二千石別主上林苑有

離宮燕休之處世祖省之并其職於少府每立秋獵

劉之日暫置水衡都尉事訖乃罷之少府本六丞省

五又省湯官織室令置丞又省上林十池監胞人長

丞宦者昆臺伙飛三令二十一丞又省水衡屬官令

長丞尉二十餘人章和以下中官稍廣加營藥太官

御者鉤盾尚方考工別作監皆六百石宦者爲之轉

爲兼副或省

昆臺本名甘泉居室伙飛本名左弋武帝改蔡

質漢儀曰少府符著出見都官從事持板都官從

事入少府見符著持板漢官目錄曰古三卿司空

所部按少府所屬甚多已照各職分別諸部今但

不具則載

晉

晉承漢魏仍設少府統材官校尉及尚方諸令丞

按晉書職官志太常光祿勳衛尉太僕廷尉大鴻臚

宗正大司農少府將作太匠太尉三卿大長秋皆爲

列卿各置丞功曹主簿五官等員少府統材官校尉

中左右三尚方中黃左右藏左校甄官平準奚官等

令左校坊鄴中黃左右藏油官等丞及渡江哀帝省

并丹陽尹孝武復置自渡江唯置一尚方又省御府

宋

宋設少府統左右尚方東冶南冶平準諸令

按宋書百官志少府一人丞一人掌市服御之物秦

官也漢因之掌禁錢以給私養故曰少府晉哀帝末

省并丹陽尹孝武世復置

左尚方令丞各一人右尚方令丞各一人並掌造軍

器秦官也漢因之於周則爲玉府晉江右有中尚方

左尚方右尚方江左以來唯一尚方宋高祖踐阼以

相府部配臺謂之左尚方而本署謂之右尚方焉又

以相府細作配臺即其名置令一人丞二人隸門下

世祖大明中改曰御府置令一人丞一人御府二漢

世典官婢作褻衣服補浣之事魏晉猶置其職江左

乃省焉後廢帝初省御府置中署隸右尚方漢東京

太僕屬官有考工令主兵器弓弩刀鎧之屬成則傳

執金吾入武庫及織綬諸雜工尚方令唯主作御刀

綬劍諸玩好器物而已然則考工令如今尚方尚方

令如今中署矣

東冶令一人丞一人南冶令一人丞一人漢有鐵官

晉置令掌工徒鼓鑄隸衛尉江左以來省衛尉度隸少府宋世雖置衛尉治隸少府如故江南諸郡縣有者或置治令或置丞多是吳所置

平準令一人丞一人掌柴秦官也漢因之漢隸司農不知何世隸少府宋順帝即位避帝諱改曰柴署

南齊

南齊少府領左右尚方鍛署御府東冶南冶平準上林諸令

按南齊書百官志少府府置丞一人領官如左左右尚方各一人丞一人

鍛署丞一人永明三年省四年復置

御府令一人丞一人

東冶令一人丞一人

南冶令一人丞一人

平準令一人丞一人

上林令一人丞一人亦屬尚書殿中曹

梁

梁增設太府卿少府亦稱卿掌內府庫藏及尚方工作之事

按隋書百官志梁初猶依宋齊皆無卿名天監七年

加置太府卿以少府爲少府卿加置太僕卿三卿是

爲夏卿皆置丞及功曹主簿

太府卿位視宗正掌金帛府帑統左右藏令上庫丞

掌太倉南北市令關津亦皆屬焉

少府卿位視尚書左丞置材官將軍左中右尚方甄

官平水署南塘邸稅庫東西冶中黃細作炭庫紙官

柴署等令丞

陳

陳承梁太府少府各置卿丞

按隋書百官志陳承梁皆循其制官其所制品秩太府少府卿秩中二千石品第三太府少府丞六百石品第八

北魏

孝文帝太和 年詔議官制定少府卿少卿丞等階品

按魏書高祖本紀不載 按官氏志自太祖至高祖初其內外百官屢有減置或事出當時不爲常目舊

令亡失無所依據太和中高祖詔羣寮議定百官著

於令六卿太僕廷尉大鴻臚宗正大司農少府第二

品少卿第三品上列卿丞從第五品中

太和二十三年次太府卿少卿丞等階品

按魏書高祖本紀不載 按官氏志太和二十三年

高祖復次職令及帝崩世宗初班行之以爲永制六

卿太僕廷尉大鴻臚宗正大司農太府卿第三品少

卿第四品上階丞第七品上階

北齊

北齊置太府寺掌尚方府庫營造之事

按隋書百官志後齊置官多循後魏太府寺置卿少

卿丞各一人有功曹五官主簿錄事等員掌金帛府

庫營造器物統左中右三尚方左藏司染諸治東西

道署黃藏右藏細作左校甄官等署令丞左尚方又

別領別局樂器器作二局丞中尚方又別領別局涇

州絲局雍州絲局定州紬綾局四局丞右尚方又別

領別局丞司染署又別領京坊河東信都三局丞諸

治東道又別領涇口武安白間三局丞諸治西道又別領晉陽治泉部大邳原仇四局丞甄官署又別領石窟丞

北周

北周倣周官置太府中大夫掌貢賦貨賄統太府上士平準外府諸士而屬于大家宰

按杜佑通典周官有太府下大夫掌貢賦之貳受其貨賄之入頒其貨賄于受藏之府後周有太府中大夫掌貢賦貨賄以供國用屬大家宰

太府丞於周官爲太府上士之任後周曰太府上士周官有貨人中士下士主平定物價後周曰平準中士下士

周官有職幣上士中士掌邦財之幣又外府中士主泉藏有玉府掌王之金玉兵器之藏內府中士主貨賄職內上士主泉貨所入後周曰外府中士下士

隋仍置太府寺卿統左右藏尚方諸署

按隋書百官志高祖既受命改周之六官其所制名

多依前代之法置內侍省太府寺太府寺置卿少卿

各一人丞六人主簿四人錄事四人太府寺統左藏

左尚方內尚方右尚方司染右藏黃藏掌治甄官等

署各置令丞等員

注 令二人左右尚方則加至二人黃藏則惟置一

人丞四人左尚則八人右尚則六人黃藏則一人

太府卿正三品上階少卿從三品上階丞正七品左

尚方右尚方司染署令正八品右藏黃藏掌治署令

正八品上階甄官署令正八品左尚方右尚方司染

署各置令丞等員

注 令二人左右尚方則加至二人黃藏則惟置一

人丞四人左尚則八人右尚則六人黃藏則一人

署丞正九品右藏黃藏掌治署丞從九品上階甄官署丞從九品

煬帝大業三年設殿內省掌諸供奉分太府寺爲少府監

按隋書煬帝本紀不載 按百官志煬帝即位多所

改革三年定令品自第一至於第九唯置正從而除上下階分門下太僕二司取殿內監名以爲殿內省

分太府寺爲少府監

殿內省置監正四品少監從四品丞從五品各一人

掌諸供奉又有奉車都尉十二人掌進御與馬統尚食尚藥尚衣尚舍尚乘尚輦等六局各置奉御二人

正五品皆置直長以貳之正七品尚食直長六人又有食醫員尚藥直長四人又有侍御醫司醫醫佐員

尚衣即舊御府也改名之有直長四人尚舍即舊殿中局也改名之有直長八人尚乘局置左右六閑一

左右飛黃閑二左右吉良閑三左右龍媒閑四左右駒駟閑五左右駃騠閑六左右天苑閑有直長十四

人又有奉乘十人尚輦有直長四人又有掌輦六人光祿已下八寺卿皆降爲從三品少卿各加置二人

爲從四品諸寺上署令並增爲正六品中署令爲從六品下署令爲正七品始開皇中署司唯典掌受納

至是署令爲判首取二卿判丞唯知勾檢令闕丞判太府寺既分爲少府監但管京都市五署及平準左

右藏等凡八署京師東市曰都會西市曰利人東都東市曰豐都南市曰大同北市曰通遠及改諸令爲

監唯市署曰令

少府監置監從三品少監從四品各一人丞從五品

二人統左尚右尚內尚司織司染鑊甲弓弩掌治等署復改監少監爲令令併司織司染爲織染署廢鑊甲弓弩二署

唐

唐制以殿中省掌服御之事分治諸局以太府寺掌財貨廩藏貿易諸務以少府寺掌百工技巧之政而

各統治諸署按唐書百官志殿中省監一人從三品少監二人從四品上丞二人從五品上監掌天子服御之事其屬

有六局曰尚食尚藥尚衣尚舍尚乘尚輦少監爲之貳凡聽朝率屬執轡扇列于左右大朝會祭祀則進

爵行幸則侍奉仗內駟乘百司皆納印而藏之大事聽焉有行從百司之印左右仗廐左曰奔星右曰內

駒兩仗內有六廐一曰左飛二曰右飛三曰左萬四曰右萬五曰東南內六曰西南內園苑有官馬坊每

歲河隴羣牧進其良者以供御六閑馬以殿中監及尚乘主之武后萬歲通天元年置仗內六閑一曰飛

龍二曰祥麟三曰鳳苑四曰鶴鸞五曰吉良六曰六羣亦號六廐以殿中丞檢校仗內閑廐以中官爲內

飛龍使聖曆中署閑廐使以殿中監承恩遇者爲之分領殿中太僕之事而專掌輿輦牛馬自是宴游供

奉殿中監皆不豫開元初閑廐馬至萬餘匹駱駝巨象皆養焉以駝馬隸閑廐而尚乘局名存而已閑廐

使押五坊以供時狩一曰鵬坊二曰鶴坊三曰鸛坊四曰鷹坊五曰狗坊侍御尚醫二人正六品上主事

二人從九品上

注 武德元年改殿內監曰殿中省龍朔二年曰中

御府監曰太監丞曰大夫有令史四人書令史十人左右仗千牛各十人掌固亭長各八人舊有

天藏府開元二十二年省

進馬五人正七品上掌大陳設戎服執鞭居立仗馬之左視馬進退

注 天寶八載罷南衙立仗馬因省進馬十二載復置乾元後又省大曆十四年復

尚食局奉御二人正五品下直長五人正七品上諸奉御直長品皆如之食醫八人正九品下奉御長儲

供直長爲之貳進御必辯時禁先嘗之饗百官賓客則與光祿視品秩而供凡諸陵月享視膳乃獻

注 龍朔二年改尚食局曰奉膳局諸局供御皆曰大夫有書令史二人書吏五人主食十六人主膳

八百四十人掌固八人

尚藥局奉御二人直長二人掌和御藥診視凡藥供御中書門下長官及諸衛上將軍各一人典監奉御

泄之藥成醫佐以上先嘗疏本方具歲月日泄者署奏餌日奉御先嘗殿中監次之皇太子又次之然後

進御太常每季閱送上藥而還其朽腐者左右羽林軍給藥飛騎萬騎病者頒焉

注 龍朔二年改尚藥局曰奉醫局有按摩師四人呪禁師四人書令史二人書吏四人直官十人主

藥十二人藥童三十人合口脂匠一人掌固四人侍御醫四人從六品上掌供奉診候

司醫五人正八品下醫佐十人正九品下掌分療衆疾

注 皆貞觀中置

尙衣局奉御二人直長四人掌供冕服凡案祭祀則奉鎮圭於監而進於天子大朝會設案

注 龍朔二年改尙衣局曰奉冕局有書令史三人書史四人主衣十六人掌固四人

尙舍局奉御二人直長六人掌殿庭祭祀張設湯沐燈燭汛掃行幸則設三部帳幕有古帳大帳次帳小帳帳小帳凡五等各三部其外則蔽以排城大朝會設黼宸施膳席薰鑪望設帳而已

注 龍朔二年改尙舍局曰奉展局有書令史三人書史七人掌固十人幕士八十人舊有給使百二十人掌供御湯沐燈燭雜使貞觀中省

尙乘局奉御二人直長十人掌內外閑廐之馬左右六閑一曰飛黃二曰吉良三曰龍媒四曰駒騄五曰駉騊六曰天苑凡外牧歲進良馬印以三花飛鳳之字飛龍廐日以八馬列宮門之外號南衙立仗馬仗下乃退大陳設則居樂縣之北與象相次

注 龍朔二年改尙乘局曰奉駕局有書令史六人書史十四人直官二十人習馭五百人掌閑五千

人典事五人獸醫七十人掌固四人習馭掌調六閑之馬掌閑掌飼六閑之馬治其乘具鞍轡典事掌六閑駕粟太宗置司庫司庫高宗治習馭獸醫司庫司庫各一人正九品下掌六閑葉枯出納奉乘十八人正九品下掌飼習御馬

尙輦局奉御二人直長三人尙輦二人正九品下掌輦輦輦大朝會則陳于庭大祭祀則陳于廟皆繳二轡一扇一百五十有六既事而載之常朝則去扇左右畱者三

尙輦局奉御二人直長三人尙輦二人正九品下掌輦輦輦大朝會則陳于庭大祭祀則陳于廟皆繳二轡一扇一百五十有六既事而載之常朝則去扇左右畱者三

注 龍朔二年改尙輦局曰奉輦局有書令史二人書史四人七輦主輦各六人掌扇六十人掌轡三十人掌輦四十二人奉輦十五人掌固六人掌扇掌輦掌執轡扇紙筆視雜供奉之事掌輦掌率主輦以供其事高宗置掌輦

太府寺卿一人從三品少卿二人從四品上掌財貨廩藏貿易總京都四市左右藏常平七署凡四方貢賦百官俸秩謹其出納賦物任土所出定精麤之差祭祀幣帛皆供焉

注 龍朔二年改太府寺曰外府寺卿曰正卿少卿曰大夫武后光宅元年改曰司府寺中宗即位復曰太府寺有府二十五人史五十人計史四人亭長七人掌固七人

丞四人從六品上掌判寺事凡元日冬至以方物陳于庭者受而進之會賜及別勅六品以下賜者給於朝堂以一人主左右藏署帳凡在署爲簿在寺爲帳三月一報金部主簿二人從七品上掌印省鈔目句檢稽失平權衡度量歲以八月印署然後用之錄事二人從九品上

兩京諸市署各一人從六品上丞二人正八品上掌財貨交易度量器物辨其真僞輕重市肆皆建標築土爲候禁樞固及參市自殖者凡市中擊鼓三百以會衆日入前七刻擊鉦三百而散有果毅巡邏平貨物爲三等之直十日爲簿車駕行幸則立市於頓側互市有衛士五十人以察非常

注 有錄事一人府三人史七人典事三人掌固一人

左藏署令三人從七品下丞五人從八品下監事八人掌錢帛雜綵天下賦調卿及御史監閱

注 有府九人史十八人典事十二人掌固八人右藏署令二人正八品上丞三人正九品上監事四人掌金玉珠寶銅鐵骨角齒毛綵畫

注 有府五人史十二人典事七人掌固十人常平署令一人從九品上丞二人從八品下監事五人掌平糶倉儲出納

注 有府四人史八人典事五人掌固六人顯慶三年置署武后時東郊亦置署

少府監一人從三品少監二人從四品下掌百工技巧之政總中尚左尚右尚織染掌冶五署及諸冶鑄錢五市等監供天子器御后妃服飾及郊廟圭玉百官儀物凡武庫袍襦皆識其輕重乃藏之冬至元日以給衛士諸州市牛皮角以供用牧畜角筋腦革悉輸焉細鑲之工教以四年車路樂器之工三年平漫刀稍之工二年矢鏃竹漆屈柳之工半焉冠冕弁幘之工九月教作者傳家技四季以令丞試之歲終以監試之皆物勒工名丞六人從六品下掌判監事給五署所須金石齒革羽毛竹木所入之物各以名數州土爲籍工役衆寡難易有等差而均其勞逸主簿二人從七品下錄事二人從九品上

注 武德初廢監以諸署隸太府寺貞觀元年復置龍朔二年改曰內府監武后垂拱元年曰尚方監有府二十七人史十七人計史三人亭長八人掌固六人短蕃匠五千二十九人綾錦坊巧兒三百六十五人內作使綾匠八十三人掖庭綾匠百五

左右畱者三

左右畱者三

十人內作巧兒四十二人配京都諸司諸使雜匠百二十五人

中尚署令一人從七品下丞二人從八品下掌供郊祀圭璧及天子器玩后妃服飾彤文錯綵之制凡金木齒革羽毛任土以時而供敕日樹金雞於仗南竿長七丈有雞高四尺黃金飾首銜絳幡長七尺承以綵盤維以絳繩將作監供焉擊擗鼓千聲集百官父老因徒坊小兒得難首者官以錢購或取絳幡而已歲二月獻牙尺寒食獻毬五月獻綬帶夏至獻雷車七月獻鈿針臘日獻口脂唯筆琴瑟絃月獻金銀暨紙非旨不獻製魚袋以給百官蕃客賜寶鈿帶魚袋則授鴻臚寺丞主簿監作四人從九品下凡監作皆同品

注有府九人史十八人典事四人掌固四人唐改內尚方署曰中尚方署武后改少府監曰尚方監而中左右尚方織染方掌治方五署皆去方以避監自是不改矣有金銀作坊院

左尚署令一人從七品下丞五人從八品下掌供霍扇蓋徽五路五副七輦十二車及皇太后皇太子公主王妃內外命婦王公之車路凡畫素刻鏤與宮中蠟炬雜作皆領之監作六人

注有府七人史二十人典事十八人掌固十四人右尚署令二人從七品下丞四人從八品下掌供十二閑馬之轡每歲取於京兆河南府加飾乃進凡五品三部之帳刀劍斧鉞甲冑紙筆茵席履舄皆擬其用皮毛之工亦領焉監作六人

注有府七人史二十人典事十三人掌固十人

織染署令一人正八品上丞二人正九品上掌供冠冕組綬及織絳色染錦羅紗縠綾綉絹布皆廣尺有八寸四丈為疋布五丈為端綿六兩為屯絲五兩為絢麻三斤為綬凡綾錦文織禁示於外高品一人專莅之歲奏用度及所織每掖庭經錦則給酒羊七月七日祭杆監作六人

注有府六人史十四人典事十一人掌固五人掌冶署令一人正八品上丞二人正九品上掌范鑄金銀銅鐵及塗飾琉璃玉作銅鐵人得採而官收以稅唯鑄官市邊州不置鐵冶器用所須皆官供諸冶成器上數于少府監然後給之監作二人

注有府六人史十二人典事二十三人掌固四人諸冶監令各一人正七品下丞各一人從八品上掌鑄兵農之器給軍士屯田居民唯典農冶顯供隴右監牧監作四人

注有錄事一人府一人史一人典事二人掌固四人太原冶監監作二人

諸鑄錢監監各一人副監各二人丞各一人以所在都督刺史判焉副監二佐丞以判司監事以參軍及縣尉為之監事各一人

注有錄事各一人府各三人史各四人典事各五人凡鑄錢有七監會昌中增至八監每道置鑄錢坊一大中初三監廢

互市監每監監一人從六品下丞一人正八品下掌蕃國交易之事

注隋以監隸四方館唐隸少府貞觀六年改交市曰互市監副監曰丞武后垂拱元年曰通市監有

錄事一人府二人史四人僕人四人掌固八人

遼制南北宣徽院分掌御前祇應之事奉宸司掌供奉宸御殿中司設監丞統諸局奉御而太府少府各設太監少監丞主簿等員

按遼史百官志遼國官制分北南院北面治宮帳部族屬國之政南面治漢人州縣租賦軍馬之事因俗而治得其宜矣初太祖分迭刺夷離室為北南二大王謂之北南院宰相樞密宣徽林牙下至郎君護衛皆分北南院其實所治皆北面之事

宣徽北院太宗會同元年置掌北院御前祇應之事北院宣徽使

知北院宣徽事

北院宣徽副使

同知北院宣徽事

宣徽南院會同元年置掌南院御前祇應之事

南院宣徽使

知南院宣徽事

南院宣徽副使

同知南院宣徽事

北面御帳官 奉宸司掌供奉宸御之事官名未詳

南面朝官 遼有北面朝官矣既得燕代十有六州乃用唐制復設南面三省六部臺院寺監諸衛東官

之官

殿中司

殿中監聖宗開泰元年見殿中高可恆

殿中丞

尚舍局見遼朝雜禮

奉御

尚乘局奉御

尚輦局奉御

尚食局奉御

尚衣局奉御

太府監職名總目

太監

少監

監丞

主簿

少府監職名總目

太監與宗景福元年見少府監馬俾

少監與宗重熙十七年見將作少監王企

監丞

主簿

欽定古今圖書集成明倫彙編官常典
第四百二十六卷目錄

內府部彙考二

宋 總一則

金 總一則

官常典第四百二十六卷

內府部彙考二

宋

宋制以宣徽院掌總領內諸司三班內侍之籍郊祀朝會宴饗供帳之儀檢視進奉名物殿中省掌供奉王食醫藥服御帷幄帝輿輦次舍之政令而太府寺掌邦國財貨之政令及庫藏出納商稅平準貿易之事少府監掌造門戟神衣旌節郊廟諸壇祭玉法物鑄牌印諸妃百官拜表奏壽之事

按宋史職官志宣徽南院使北院使掌總領內諸司及三班內侍之籍郊祀朝會宴饗供帳之儀應內外進奉悉檢視其名物舊制以檢校為使或領節度及兩使留後闕則樞密副使一人兼領二使亦有兼樞密副使簽書樞密院者南院資望比北院頗優然皆通掌止用南院印二使共院而各設廳事其吏史則有都勾押官勾押官各一人前行三人後行十二人分掌四案一日兵案二日騎案

注 主賜羣臣新史及掌諸司使至崇班內侍供奉

官諸司工匠兵卒之名籍及三班而下還補假故鞫劾之事

三日倉案

注 掌春秋及聖節大宴節度使迎授恩賜上元張燈四時祭祀及契丹朝貢內廷學士赴上並督其供帳內外進奉視其名物教坊伶人歲給衣帶專其奏覆

四日胃案

注 掌郊祀御殿朝謁聖容賜醺國忌供帳之事諸司使副三班使臣別籍分產司其條制預諸司工匠休假之失

故事與參知政事樞密副使同知樞密院事以先後入叙位熙寧四年詔位參政樞密副使同知下著為令九年詔今後遇以職事侍殿上或中書樞密院合班問聖體及非次慶賀並特序二府班官制行罷宣徽院以職事分隸省寺而使號猶存初吏部尚書王拱辰治平中知大名府神宗即位拜太子少保明年檢校太傅改宣徽北院使尋遷南院立班序位視簽樞元豐六年拱辰除武安軍節度使再任自此遂罷使名不復除獨太子少師張方平許依舊領南院使致仕哲宗即位始遷太子太保而罷使名元祐三年復置南北院使儀品恩數如舊制六年以馮京為南院使而方平亦復使名中書舍人韓川言祖宗設此官禮均二府以待勳舊未嘗帶以致仕且宣徽武官也官保文官也不宜混井不聽方平亦固辭不拜七年馮京亦以使致仕紹聖三年議者言官名雖復而無所治之事乃罷之南渡以後不復再置

明倫彙編官常典第四百二十六卷內府部

殿中省監少監監丞各一人監掌供奉天子王食醫藥服御帷幄帝輿輦次舍之政令少監為之貳丞參領之凡總六局曰尚食掌膳羞之事曰尚藥掌和劑診候之事曰尚醞掌酒醴之事曰尚衣掌衣服冠冕之事曰尚舍掌次舍帷幄之事曰尚輦掌輿輦之事

注 六尚各有典御二人奉御六人或四人監門二人或一人又尚食有膳工尚藥有醫師尚醞有酒工尚衣有衣徒尚舍有幕士尚輦有正供等皆分隸其局

又置提舉六尚局及管幹官一員舊殿中省判省事一人以無職事朝官充雖有六尚局名別有事存凡官隨局而移不領於本省所掌惟郊祀元日冬至天子御殿及禘祫后廟神主赴太廟供具徽廟而殿中監視祕書監為寄祿官而已元豐中神宗欲復建此官而度禁中未有其地但詔御營院不隸省寺令專達焉初權太府卿林顏因按內藏庫見乘輿服御雜貯百物中乃乞復殿中省六尚以嚴奉至尊於是徽宗乃出先朝所度殿中省圖命三省行之而其法皆左正言姚祐所裁定是歲崇寧二年也二年蔡京上修成殿中省六尚局供奉庫務敕令格式并看詳凡六十卷仍冠以崇寧為名政和元年殿中省高伸上編定六尚供奉式靖康元年詔六尚局並依祖宗法又詔六尚局既罷格內歲貢品物萬數尚為民害非祖宗舊制其並除之御藥院勾當官無常員以入內侍充掌按驗祕方以時劑和藥品以進御及供奉禁中之用

注 舊制勾當御藥院遷官至遙領團練防禦者謂

第二九〇冊 之〇五 葉

之暗轉干冒恩澤浸不可止嘉祐五年詔御藥院內臣如當轉出而特留者俟其出計所留歲月優遷之更不許累計所遷資序非勾當御藥院而留者其出更不推恩

典八人藥童十一人匠七人

崇寧二年併入殿中省

尚衣庫使副使舊曰尚衣庫大中祥符三年改監官二人以內侍三班充掌駕頭服御繳扇之名物凡御殿大禮前一日請乘輿袞冕鎮圭袍服於禁中以待進御事已復還內庫典一人匠四人掌庫十人內衣物庫

在文德殿後太平興國二年置受納匹段庫受納綾錦西州鹿胎綾羅絹匹段大中祥符元年併入

監官二人以京朝官并內侍充

舊三人以諸司使副及三班內侍充

掌納錦綺綾羅色帛銀器腰束帶料造年支準備衣服以待頒賜諸王宗室文武近臣禁軍將校時服并給宰臣親王皇親使相生日器幣兩府臣僚百官皇親轉官中謝朝辭特賜及大遼諸外國人使辭見銀器射弓衣帶典八人掌庫三十一人新衣庫

在太平坊

監官二人以諸司使副三班及內侍充掌受錦綺雜帛衣服之物以備給賜及邦國儀注之用并受納衣服以賜諸司工匠諸軍監門二人以三班使臣充典十人掌庫五十五人

朝服法物庫

太平興國二年置後分三庫一在天安殿後一在右掖門內北廊一在正陽門外

監官二人以諸司使副及三班內侍充掌百官朝服諸司儀仗之名物典三人掌庫三十人已上崇寧二年併入殿中省

舊有裁造院針線院雜賣場後省併之

大府寺舊置判寺事一人以兩制或帶職朝官充同判寺一人以京朝官充凡庫藏貿易四方貢賦百官奉給時皆隸三司本寺但掌供祠祭香幣帨巾神席及校造斗升衡尺而已元豐官制行始正職掌置卿少卿各一人丞主簿各二人卿掌邦國財貨之政令及庫藏出納商稅平準貿易之事少卿為之貳丞參領之凡四方貢賦之輸於京師者辨其名物視其多寡別而受之儲於內藏者以待非常之用頒於左藏者以供經常之費凡官軍兵奉祿賜予以法式頒之先給曆從有司檢察書其名數鈎覆而後給焉供奉之物則承旨以進審奏得畫乃聽除之若春秋授軍衣則前期進樣定其頒日畿內將校營兵支請月具其數以聞凡商賈之賦小賈即門征之大賈則輸於務貨之不售者平其價鬻於平準乘時賒貸以濟民用若質取於官則給用多寡各從其抵歲以香茶鹽鈔募入入豆穀實邊即京都關用物預報度支凡課入以盈虧定課最行賞罰大祀晨祿則卿置幣奠玉則入陳玉帛餘祀供其帨巾分案九置吏六十有五元祐初以倉部郎官印發文鈔三年復歸本寺又詔太府置長貳五年令長貳每月分巡所轄庫務元

符元年增置丞一員三年改市易案為平準其市易務亦如之崇寧中置藥局七所添丞一員點檢宣和三年減罷靖康元年詔內外官司所依照掌法錢物並納左藏庫凡省一百五十所又詔戶部太府寺長貳當職官及本庫官吏俸錢候在京官吏支散並足方許支給從戶部尚書梅執禮之請也所隸官司二十有五

左藏東西庫掌受四方財賦之入以待邦國之經費給官吏軍兵奉祿賜予舊分南北兩庫政和六年修建新庫以東西庫為名

西京南京北京各置左藏庫

內藏庫掌受歲計之餘積以待邦國非常之用

奉宸庫掌供內庭凡金玉珠寶良貨賄藏焉

祇候庫掌受錢帛器皿衣服以備傳詔頒給及殿庭賜予

元豐庫掌受諸路積剩常平錢物凡封樁者皆入焉

神宗常憤契丹倔強慨然有恢復幽燕之志聚金帛內帑自製四言詩一章曰五季失國獫狁孔

熾藝祖造邦思有懲艾爰設內府基以募士曾孫保之敢忘厥志每庫以詩一字目之儲積皆滿又別置庫賦詩二十字分揭於庫曰每度夕惕心妄

意遵遺業顧予不武姿何日成戎捷徽宗朝又有崇寧庫大觀庫

布庫掌受諸道輸納之布辨其名物以待給用

茶庫掌受江浙荆湖建劍茶茗以給翰林諸司及賞賚出器

雜物庫掌受內外雜輸之物以備支用

糧料院掌以法式頒廩祿凡文武百官諸司諸軍奉料以券準給

審計司掌審其給受之數以法式驅磨

都商稅務掌收京城商旅之筭以輸於左藏

汴河上下鎮蔡河上下鎮掌收舟船木筏之征

都提舉市易司掌提點貿易貨物其上下界及諸州

市易務雜買務雜賣場皆隸焉

市易上界掌斂市之不售貨之滯於民用者乘時貿易以平百物之直

市易下界掌飛錢給券以通邊疆

雜買務掌和市百物凡官禁官府所需以時供納

雜賣場掌受內外幣餘之物計直以待出貨或準折

支用

權貨務掌折博斛斗金帛之屬

交引庫掌給印出納交引錢鈔之事

抵當所掌以官錢聽民質取而濟其緩急

和劑局惠民局掌脩合良藥出賣以濟民疾

店宅務掌管官屋及邸店計置出賃及修造之事

石炭場掌受納出賣石炭

香藥庫掌出納外國貢獻及市舶香藥寶石之事

建炎詔罷太府寺以其所掌職務撥隸金部紹興元年復以章億守太府寺丞措置印給茶鹽鈔引續添

置丞二員四年復置卿少各一員十年復置主簿十

一年詔交引庫書押鈔引寺丞兩員遇合推賞各與

減磨勘二年尋詔三丞一體行之隆興元年併省主

簿一員明年如舊制設案七以序次分管監交案隨

逐丞簿赴左藏庫監交看驗綱運錢物中興後所隸

惟有糧料院審計司左藏東西庫交引庫祇候庫和劑庫惠民局如前制所置

左藏南庫

注係樞密院前激賞庫改

以待從官提領又置提轄檢察官一員

編估局打套局

注二局係揀選市船香藥雜物等第會其直以待

貿易

寄椿庫

注掌發賣香藥匹帛拘其直歸於左藏南庫

置監官提領二人

少府監舊判判監事一人以朝官充凡進御器玩后

妃服飾雕文錯綵工巧之事分隸文思院後苑造作

所本監但掌造門戟神衣旌節郊廟諸壇祭玉法物

鑄牌印諸記百官拜表案褥之事凡祭祀則供祭器

爵瓚照燭元豐官制行始制少監丞主簿各一人監

掌百工技巧之政令少監爲之貳丞參領之凡乘輿

服御寶冊符印旌節度量權衡之制與夫祀祭朝會

展采備物皆率其屬以供焉庀其工徒察其程課作

止勞逸及寒暑早晚之節視將作匠法物勒工名以

法式察其良窳凡金玉犀象羽毛齒革膠漆材竹辨

其名物而攷其制度事當損益則審其可否議定以

聞少府所掌舊有主名其工作之事則監自親之熙

寧中已釐歸有司官制行皆復舊元豐元年工部言

文思院上下界諸作工料條格該設不盡功限例各

寬刺乞委官檢點照前後料例功限編爲定式從之又詔文思監官除內侍外令工部少府監同議選差

崇寧三年詔文思院兩界監官立定文臣一員武臣二員並朝廷選差其內侍幹當官並罷分案四置吏八所隸官屬五

文思院掌造金銀犀玉工巧之物金采繪素裝錫之

飾以供輿輦冊寶法物凡器服之用

綾錦院掌織絛錦繡以供乘輿凡服飾之用

染院掌染絲帛帛

裁造院掌裁製服飾

文繡院掌纂繡以供乘輿服及賓客祭祀之用

注崇寧三年置招繡工三百人

舊制南郊祭器庫監官二人

太廟祭器法物庫監官二人掌祠祭器服之名物各有專典

旌節官二人

鑄印篆文官二人

諸州鑄錢監監官各一人以上並屬少府監

按石林燕語宣徽南北院使唐末舊官也置院在樞密院之北總內諸司及三班內侍等事國初與樞密

先後入叙班蓋視二府一等也每除樞密先爲使者

必辭請居其下而後從之熙寧間始詔定班樞密副

使下元豐官制行猶存不廢自王拱辰改除節度使

遂罷不除元祐間復置以命張安道後亦廢

金

金制設宣徽院掌朝會燕享殿庭禮儀及監知御膳

太府監掌出納財用錢穀之事少府監掌百工營造

之事

按金史百官志宣徽院左宣徽使正三品右宣徽使

正三品同知宣徽院事正四品同簽宣徽院事正五品宣徽判官從六品掌朝會燕享凡殿庭禮儀及監知御膳

注 所隸弩手傘子二百三十九人控鶴二百人

拱衛直使司威捷軍隸焉舊名龍翔軍正隆二年更為神衛軍大定二年更名為拱衛司都指揮使從四品

注 舊曰使

副都指揮使從五品

注 舊曰副使

掌總統本直謹嚴儀衛大定五年詔以使為都指揮使副使為副都指揮使什將長行威捷軍

注 承安二年簽弩手千人泰和四年以之備邊事

鈐轄正六品都轄從九品

注 不奏

客省使正五品副使從六品掌接待人使見辭之事引進使正五品副使從六品掌進外方人使貢獻禮物事

閣門

注 明昌五年閣門官以次排轉除授

東上閣門使二員正五品

注 明昌六年省一員作從五品西同

副使二員正六品

注 明昌六年省一員西同

簽事一員從六品掌簽判閣門事

注 西同明昌六年以減副使置

西上閣門使二員正五品副使二員正六品簽事一

員從六品掌贊導殿庭禮儀

注 西閣門餘副貳同

閣門祇候二十五人

注 正大間三十二人

閣門通事舍人二員從七品掌通班贊唱承奏勞問之事承奉班都知正七品掌總率本班承奉之事舊置判官後罷內承奉班押班正七品掌總率本班承奉之事御院通進四員從七品掌諸進獻禮物及薦享編次位序

尚衣局提點正五品使從五品副使從六品掌御用衣服冠帶等事都監正九品

注 舊設後罷

直長正八品同監從九品

儀鸞局

注 泰和四年或以少府監官兼或兼少府監官

提點正五品使從五品副使從六品掌殿庭鋪設帳幕香燭等事直長四員正八品

注 泰和令三員

收支都監正九品二員一員掌給受鋪陳諸物一員

掌萬寧宮收支庫

注 大定十年置明昌二年增一員

同監二員從九品

注 司吏二人如內藏庫知書例

尚食局

注 元光二年參用近侍奉御奉職

提點正五品使從五品副使從六品掌總知御膳進食先嘗兼管從官食直長一員正八品

注 不限資考

都監三員止九品

注 不限資考

生料庫都監同監各一員掌給受生料物色收支庫都監同監各一員掌給受金銀裏諸色器皿

注 以外路差除人內選充

尚藥局提點正五品使從五品

注 出職官內選除

副使從六品掌進湯藥茶果直長正八品都監正九品果子都監同監各一員掌給受進御果子

注 本局本把四人

太醫院提點正五品使從五品副使從六品判官從八品掌諸醫藥總判院事管勾從九品隨科至十人設一員以術精者充如不至十人併至十人置

注 不限資考

正奉上太醫

注 一百二十月升除

副奉上太醫

注 不算月日

長行太醫

注 不算月日

十科額五十人

御藥院提點從五品直長正八品掌進御湯藥

注 明昌五年設以親信內侍人充

都監正九品

注 不限員泰和令四員

同監從九品

注 不常除泰和令無

教坊提點正五品使從五品副使從六品判官從八品掌殿庭音樂總判院事諸音郎從九品

注 不限資考員數

內藏庫

注 大定二年分爲四庫

使從五品副使從六品掌內府珍寶財物率隨庫都監等供奉其事直長一員

注 承安三年增

頭面庫都監正九品同監從九品

注 本把十人大定二年定出身依不入寢殿小底例

投匹庫都監正九品同監從九品

注 本把十二人

金銀庫都監正九品

注 本把八人

雜物庫都監正九品同監從九品

注 本把八人每庫知書各二人

官苑司令從六品丞從七品掌宮庭修飭灑掃啓閉門戶鋪設氈席之事直長正八品一員

注 泰和令一員

都監同監二員

注 泰和元年設泰和四年罷同監

尚醴署令從六品丞從七品掌進御酒醴直長正八品二員

典客署令從六品丞從七品直長後罷

注 書表十八人

侍儀司

注 舊名擊執局大定元年改爲侍儀局大定五年

陞局爲司

令從六品

注 舊曰局使掌侍奉朝儀率捧案擊鞀各給其事

直長正七品

注 舊設局副品從七

右屬宣徽院

太府監左右藏支應所太倉酒坊典給署市買司隸

焉監正四品少監從五品丞二員從六品掌出納邦

國財用錢穀之事左藏庫使從六品副使從七品

注 興定三年增一員

掌金銀珠玉寶貨錢幣

注 本把四人

右藏庫使從六品副使從七品

注 興定三年添一員

掌錦帛絲綿毛褐諸道常課諸色雜物

注 本把四人

支應所

注 又作支承所

都監二員正九品掌宮中出入御前支賜金銀幣帛

注 大定三年省

太倉使從六品掌九穀廩藏出納之事

注 預除人

副使從七品

酒坊

注 部除

使從八品副使從九品掌醴造御酒及支用諸色酒醴

典給署本鈎盾署明昌三年更令從六品舊曰鈎盾

使丞從七品舊曰鈎盾副使掌官中所用薪炭冰燭

併管官戶直長一員正八品

市買司天德二年更爲市買局使從八品副使正九

品掌收買官中所用果實生料諸物

右屬太府監

少府監尚方織染文思裁造文繡等署隸焉

注 泰和四年選能幹官兼儀駕局近上官

監正四品少監從五品丞二員從六品

注 大定十一年省二十一年復置

掌邦國百工營造之事

尚方署令從六品丞從七品掌造金銀器物亭帳車

輿牀榻簾席鞍轡傘扇及裝釘之事

注 大定二十年令不專除人令人兼

直長正八品

圖書署

注 明昌七年省入祇應司

令從六品丞從七品掌圖書縑金匠直長正八品

注 明昌三年罷

裁造署令從六品丞從七品掌造龍鳳車具亭帳鋪

陳諸物宮中隨位牀榻屏風簾額條結等及陵廟諸

物并省臺部內所用物

注 泰和令有畫繪之事

直長從八品

注 明昌三年省裁造匠六人針工婦人三十七人
文繡署令從六品丞從七品掌繡造御用并妃嬪等
服飾及燭籠照道花卉

注 貞祐二年止設官一員
直長正八品

注 繡工一人都繡頭一人副繡頭四人女四百九
十六人內上等七十人次等凡四各二十六人
織染署令從六品丞從七品直長正八品掌織絳色
染諸供御及官中錦綺幣帛紗縠

文思署

注 明昌七年省入祇應司

令從六品丞從七品掌造內外局分印合傘浮圖金
銀等尚輦儀鸞局車具亭帳之物并三國生日等禮
物織染文繡兩署金線直長正八品

注 明昌三年省去

欽定古今圖書集成明倫彙編官常典
第四百二十七卷目錄

內府部彙考三

元 總一則

皇清 總一則 順治五則 康熙四則

官常典第四百二十七卷

內府部彙考三

元

元制設宣徽院掌供玉食等物及燕享宗戚賓客之事侍正府掌內廷近侍之事中政院掌中官財賦營造供給并番衛之士湯沐之邑又長信長秋承徽長寧長慶諸寺並掌內工匠戶口錢糧營造等事其太府度支利用中尚章佩諸監掌諸官寺所司錢帛寶玩之數皆置卿以統之

按元史百官志宣徽院秩正三品掌供玉食凡稻粱牲牢酒醴蔬菓庶品之物燕享宗戚賓客之事及諸王宿衛怯憐口糧食蒙古萬戶千戶合納差發係官抽分牧養羊畜歲支芻草粟菽羊馬價直收受關遺等事與尚食尚藥尚醞三局皆隸焉所轄內外司屬用人則自爲選至元十五年置院使一員同知同食各二員主事二員照磨一員二十年陞從二品增院使一員置經歷二員典簿三員二十三年陞正二品置院判二員省典簿置都事三員三十一年院使四

員大德二年增同知二員三年陞從一品四年置副使二員皇慶元年增院使三員始定怯薛丹一萬人本院掌其給授後定置院使六員從一品同知二員正二品副使二員從二品僉院二員正三品同僉二員正四品院判二員正五品經歷二員從五品都事三員從七品照磨一員承發架閣庫一員並正八品掾史二十人蒙古必闌赤六人同回掾史二人怯里馬赤二人知印二人典史六人蒙古書寫二人其屬附見

光祿寺秩正三品掌起運米麴諸事領尚飲尚醞局沿路酒坊各路布種事至元十五年罷都提點置寺設卿一員少卿三員主事一員照磨一員管勾一員二十年改尚醞監正四品二十三年復爲光祿寺卿二員少卿丞各一員二十四年增少卿一員二十五年撥隸省部三十一年復隸宣徽延祐七年降從三品後復正三品定置卿四員正三品少卿二員從四品丞二員從五品主事二員從七品令史八人譯史知印各二人通事一人奏差二十四人典史三人蒙古書寫一人

大都尚飲局秩從六品中統四年始置設大使副使各一員俱帶金符掌醞造上用細酒至元十二年增副使二員十五年陞從五品置提點一員後定置提點一員從五品大使一員正六品副使二員正七品上都尚飲局秩正五品皇慶中始置提點一員大使副使各一員品秩同上

大都尚醞局秩從六品掌醞造諸王百官酒醴中統四年立御酒庫設金符宜差至元十一年始設提點

十六年改尚醞局從五品置提點一員從五品大使一員正六品副使二員正七品直長一員正八品上都尚醞局秩從五品至元二十九年始置設提點一員大使一員副使直長各一員品秩同上

大都醴源倉秩從六品掌受香沙蘇門等酒材糯米鄉貢鞠藥以供上醴及歲賜諸王百官者至元二十五年始置設提舉一員從六品大使一員從七品副使一員正八品

上都醴源倉秩從九品掌受大都轉輸米糴并醴造車駕臨幸次舍供給之酒至元二十五年始置設大使一員直長一員

尚珍署秩從五品掌收濟寧等處田土子粒以供酒材至元十三年始立十五年罷入有司二十三年復置設達魯花赤一員令一員並從五品丞二員正七品吏目二員

安豐懷遠等處稻田提領所秩從九品掌稻田布種歲收子粒轉輸醴源倉定置提領二員

尚舍寺秩正四品掌行在帷幕帳房陳設之事牧養駱駝供進愛蘭乳酪至元三十一年始置監至大元年改爲寺陞正三品四年仍爲監尋復爲寺延祐三年復降爲正四品定置太監二員少監二員監丞二員知事二員

諸物庫秩從七品掌出納大德四年置設提領一員大使一員副使一員

關遺監秩正四品掌不關奚人口頭正諸物至元二十年立關遺所秩九品二十五年改爲監正四品二十八年陞正三品至大四年復正四品尋復正三